

## БУРУНГИ САЙЛОВЛАР

*Икки пардали пъеса*

### БИРИНЧИ ПАРДА

Бу пардада қатнашадилар:

Қодир қул — эски мингбоши бўлиб, ҳозирда янги сайлов муносабати билан, вақтлича ўриндан тушиб турган, кўркам бир киши, 41 ёшда.

Ҳасан ака — ола соқол, семиз, хунук бир киши, 57 ёшда.

Нурмат ака — яхши кийимли, оқ соқол, ориқ бир киши, 60 ёшда.

И мом — маҳалла имоми, маълум қиёфатда, 70 ёшда.

Мирза — очиқ башара, ўртача кийимли, зиёли бир киши, 30 ёшда.

Холмат — чапан кучер, 32 ёшда.

Рустам — старший, 40 ёшда.

Саҳна икки турли бўллади: 1) саҳна бўлмаган жойда ўйналса — ҳалқ ўртасида бир дона кенгроқ намат кўрлача солинган, бир томонда — ёзув столи, қалам, давот, яна бир томонда — бир-икки дона курси; 2) саҳна бор жойда эса, бир мингбошининг мумкин қадар безакли ҳам дабдавали уйи кўрсатилади.

## БИРИНЧИ МАЖЛИС

Қодирқул ёлғиз, бир оздан кейин Ҳасан, Нурмат киради.

- Қодирқул (ўз-ўзига). Хайр, кўрасан-да. Бу мингбошилик менга осонлик билан тушган эмас. Мен ким? 10 Мени Қодирқул, дейдилар. Менинг ҳар ишга кучим етади, иш деганин қотираман. Оёғимдан ер юзи, қамчимдан ҳамма жонворларнинг изи титрайдир. Бу мингбошиликнинг ҳар бир соққаси бир камбағалнинг бир ойлик овқат пулига тушган-а! Икки йилдан буёқ энди ҳоким, пристав, қўрбоши, старшийларга пораларнинг ўрнини тўлдира олдим. Бу йил домла ҳазратлари, элликбоши, аҳли расталар, бойлар, оқсоқолларга берган тўн, зиёфатларнинг чиқимларини тўлаб, келаси йил яна сайланиб қолганимда, бирор нарса ишлаб оларман. 20 Ҳали мунча қарз, чиқимларнинг устига икки қизни узатиш, бир ўғилни уйлантириш, бир хатна тўй ҳам бор. Айниқса, бу хатна тўйни улоқсиз ўтказиб бўлмайдир. Иннайкейин, ўзимга бир моҳпайкар қиз олиш, буларнинг устига янги иморат солиш, муросай мадора учун маҳалланинг масжидини янгилаб бериш каби анча мажаролар бор. Бир кун айбдор бўлиб қолиш бўлса, кўз олдингда эчкининг соқоли каби ликиллаб тургандек гап. Негаким, бу рус тўраларига ишониб ҳам бўлмайдир. Бугун биттаси кетса, эртага яна биттаси келадир. 30 Тез-тез танглайнин мойлаб турмасанг, ғужурлагани ғужурлаган. Шунинг учун қирқ-эллик таноб яхши ер, бир таноб-ярим таноб боғча-моғча қилиб қўйсак, бир кунимизга яраб қолар. Амалдан туниб қолган чоқда мардикорликка ҳам ярамаслигимиз аниқ. Ит ҳам, бит ҳам кун кўрадир. Гап хон бўлмасанг ҳам хон тақлид умр ўтказишда қолган. Охират бўлса, ўз йўлида. Беим вақт намозни жойи келганда ўқиб, рўзани тутиб, унча-

мунча закотни бериб турсанг, бўлди-да. Жуда бўлмаса, бирор марта Байтиллога бориш, мулла жиринг бўлгандан кейин уламо-эшонлар қанот-қуироқ бўлиб, аршга учиш — мана бу ерда турган гап. (*Тўхтаб.*) Бу элликбошининг нимага дараги йўқ-а? Ҳа, бу мохов ўшаларга сотилса ҳам сотилур. Негаким, қиёмат қўшинидан, деган бемаъни гапга учиб, шу падар лаънатни кўчириб, жойини олиб бермадим, хато ўзимда, менга мингта бундай камбағал қўшинидан шундай кунларимда кепрак бўладиган Ҳасан аканинг бир оёғи яхшироқ экан-  
лиги энди эсимдан чиқмасин. Қўлга оламан-ку-я, болани юборай-чи. (*Чиқади.*)

Ҳасан билан Нурмат кирадилар.

**Ҳасан (ярим товушда).** Акам жуда ҳам оёғи куйган товуқдек питиллаб қолибди-ку, аҳволинг шу экан-у!

Нурмат. Айтганингдек, тухуми қисилиб қолган товуқдек кўзлари чиқай-чиқай дейди. Қалла қанд ушатидиган жойда кучаниб қолганга ўхшайди. Сан билан бизга Қодирқули бўлсин, Подирқули бўлсин (*бармоқ учлари билан пул санагандек*), мана бу надирматнинг қулоғи ёғлик бўлсин. Нима дединг?

Ҳасан. Бўлмасам-чи, кун сайин ҳамма нарса шунга қараб йўрғалайди. Бироқ, у томон ҳам Ҳанифа холанинг тугунчасидек тўппайиб тушди-да. Сатта бештакидан кўк қарғанинг боласидек учирма қиляпти-да.

Нурмат. Оббо, азаматлар-е! Юрагим озиб кетди-я..

Ҳасан. У ҳам ёмон одам эмас-ку.

Нурмат. Янгининг нодонлиги бўлса, эскининг қадрдонлиги бор.

Ҳасан. Мана шу, бўлмаса, бу ҳумпардан ўзингнинг хўп яхши хабаринг бор. Ҳовлимга ит кирса, тумшуғи бетимга тегай дейди. Неча марта лаб илтимос қилдимки, ака, бунақа мингта сарпоёқдан биздек бирта ҳўл таёқ яхши. Шунинг жойидан озроқ олиб беринг, биз ҳар бир кунингизга керакмиз, дедим. Қайда?! Аҳа!

Мендан бошқа одам бўлса, ҳозир чиккасини пукка қиласди. Бироқ зор қолғур битта ишимни битирай-битирай, деб қўйган-да.

Нурмат. Қайси ишни?

Ҳасан. Ана у мен оламан деб турган ерни Дўсматбойнинг чоракори олиб қўймадими? Била туриб сўрайсиз-а!

Нурмат. Биламан, биламан. Тунов кун қози домла иложини қиласмиз, деган эди-ку.

- 10 Ҳасан. Бир-икки кун бўлди, сизга айтганим йўқ, Дўстматбой «Мен сотганим йўқ, ўн икки йилдан буёқ хизмат сингдиргани учун бердим», деб байту ғазал тошишиб турибдири.

Нурмат. Айтганингиздек, мингбошини ўзининг ҳам димоғи шишиб қолибдири. Йўқса, қози домлага минг қиласа, куёвлик ҳурмати бор. Бир оғиз айтса, ер юзида ривоят қуриб кетганми? Ҳар йўл билан олса бўладири. Ўзларига йўсун эди. Ҳе...

- 20 Ҳасан. Эрта билан сўз берди. Ўшанинг учун жоним лиқиллаб, ҳар бало бўлса ҳам бўла қолсин, деб ўлмоқдаман. Йўқса, Ортиқ бойваччани сайлаб юборсак-ку, бўлганимиз бўлди демак.

Нурмат. Кел, қўй энди, баъзи нарсаларни пул билан қўлга киритиб бўлмайди. Мана, мана қарамайсанми? Агар шу мингбошиликдан тушса, бутун ишларим ўлади-я! Ишларимиз биткунча бу йил бўлса турсин, яна сайлов бор-ку!

Домулла киради.

### **Иккинчи мажлис**

- 30 Бурунғилар, домулла, бир оздан кейин Қодирқул.

Домулла (*салом, фотиҳа*). Ҳазор, ҳазор олам мингбошимизнинг обрўйига обрў қўшсин! (*Фотиҳа, хўш-бошдан кейин*.) Қани элликбоши, нима хуш хабарлар бор?

Ҳасан. Энди, тақсир, бўладирлар, деган умидларимиз бор.

Д о м у л л а. Илоҳим, шундай бўлсин. Оқшом кирган эдим, додхоҳ: «Ҳасан акам фрискўфнинг олдиларига кетган эдилар, дараклари йўқ», дедилар. Уч хуфтонгача интизорлик тортдик-да. Ҳуллас, бизни ҳам бироз хотиржам қилинг. Аниқ хабарми шу? Рукуъ, сужуда ҳам хаёлимиз паришон бўлди-да.

Ҳ а с а н. Ҳа, тақсир! Ўзим ҳам худди соат учгача тунадим-да. Йўқ, келиб кўп галирмадилар-у, шунчалик марҳамат қилдиларким: «Хотиржам бўлсин, ўзи ўрнида қолар», дедилар.

Д о м у л л а. Хайрият-хайрият, субҳи содиқ вақти экан, шояд фариштаҳойи гузарон «омин» деган бўлсалар. Нима дедингиз?

И к к о в и. Илоҳим, тақсир, нафаслари муборак бўлсин!

Н у р м а т. Гап шундай, улуғларимизнинг кўнгли хурсанд бўлибди. Фрискўф тўранинг ўзи яхши одам, яхши-да, заршунос.

И к к о в и. Ҳа, тақсир!

Қ одирқул киради.

Қ одирқул. Ассалому алайкум! Бормисиз, Ҳасан ака? (*Туриб ўтиришидан кейин.*) Келинг, Нурмат ака, хуш келибсиз!

Н у р м а т. Келдик, додхоҳ, хушвақт бўлинг!

Қ одирқул. Домулла билан тонг отгунча кутсак-а!

Д о м у л л а. Янги, факир ҳам шу музокаранинг усттида эдим.

Ҳ а с а н. Қуруқ келишга уялдик-да.

Қ одирқул. Қани, бўримисиз, тулки?

Д о м у л л а. Хизру Илёс, дея беринг. (*Кулиш.*)

Н у р м а т. Ҳа, ҳа, тўғри!

Ҳ а с а н. Бизнинг ота-бобомиз тулки эмасми? (*Кулиш.*) Қани ёрлигини олайлик.

Қ одирқул (*туғунчакдан Ҳасанга кимхобдан, Нурматга атласдан тўн кийгиза туриб*). Ҳўп, акалар, бизни ёрлиғдан қочирган жойларингиз борми? Бу ҳозир учидан-да, қутлуқ бўлсин!

10

20

30

Домулла жим.

Иккови. Қуллуғ, додхоҳ, саломат бўлинг!

Қодирқул (ҳазил билан). Домулла, «Қутлуг бўлсин», демайдиларми?

Домулла (устига қараб қўйиб). Биз энди нимага ҳам қутлуқ-қуллуқ деймиз? Дунёи боумид, таъзияни ташлаб келган эдик.

Иккови. Эй тақсир, сизга бўлмай иложи борми? Додхоҳ ҳазил қилдиларда. Қани, додхоҳ!

10 Қодирқул (кийгиша туриб). Ишқилиб, домуллалардан бир нарсани қочириш қийин-да.

Домулла (кийиб). Ахир, биз пайғамбарларга месроҳурда. Бизнинг ҳар бир дуомизга минг тўн берсалар арзиди.

Иккови. Тўғри, тўғри.

Утириш, фотиҳа.

Домулла. Қани, илоҳим, додхоҳнинг бу дунёда мансаб ва равнақлари сарбаланд бўлиб, охиратда фирдавсга сазовор бўлсинлар. (Фотиҳа.)

20 Ҳаммаси. Муборак, муборак!

Домулла (таззим билан). Қуллуқ, қуллуқ!

Қодирқул. Қани, Ҳасан ака, нима хуш хабар?

Ҳасан. Фрискоф тўра ҳоким тўрамизнинг олдиларидан келдилар: «Бориб айт, мингбоши хотиржам бўлаверсин, ўрнида қолса керак», деб айтдилар. Хурсандлигимдан бошқа гапни сўрамай югуравердим.

Домулла. Ҳай, ҳай, бошқаси нимага керак? Шунинг ўзи ҳам айни марҳамат-да.

Ҳасан. Энди, додхоҳ, биз, у томондан, бир ҳисобда хотиржам бўлсак ҳам, нариги томондан, хабарсиз туришимиз яхши эмас. Қандидатингиз билан Ортиқ бойвачча томонида ҳам тўплар кучли, улар ҳам ўз олдига бўзчининг мокисидек фириллаб юришибилар. Ортиқ бойвачча томонида бўлса, айниқса, бир-иккита усули жадид домулласи билан (домуллада ўзгариш), бир-иккита калтадум мусулмондан чиқкан ўрислар тўпла нишиб, хейли закун тўқишишмоқдалар.

Қодирқул. Бу тўғрида айб ўзимда. Бултурдан бўён ҳоким тўра: Қарамоғингдаги мактабни йўқот, бўлмаса бошингга бало бўлади, деб юз марта айтгандир. Мен аҳмоқ, бунинг ҳеч бир фаҳмига етмай, хат-саводни тез чиқаришига қизиқиб, ҳеч бўлмаса, ўғлимнинг саводи чиқиб қолсин деб ҳалигача судраб келдим. Энди менинг оёғимга осилиби-я! Малъунлар!

Домулла. Энди қофияси кетмасин. Бу ҳаромиларнинг имони борми? Кофир нима, булар нима? Буларнинг мактаблари у ёқда турсин, шариати гаррого 10 амал қиласман десангиз, домуллаларини бутун сангисор қилиш лозим бўлади. Неча мартақим зикр қилдим, чандон парво қила кўрмадилар. Бовужуд, ҳоким тўранинг ўзлари ғайри дин бўла туриб, шу зиндиқларнинг чулчитлигини билиб айтган эканлар.

Қодирқул. Э, унинг иши жуда осон. Ҳозир битта қофоз ёзиб берсак, сискной отдел бир кунда йўқ қиласидир.

Иккови. Албатта!

Домулла. Бир онда йўқ қилсин у малъунларни. 20  
Ҳаммаси. Ҳа, ҳа, тақсир, иншоолло, бўлади.

Қодирқул. Энди сиз нима демоқчисиз, Ҳасан ака?

Ҳасан. Энди тўғри, икки-учта калтадум билан ўн саккизта яланг оёқ камбағалнинг қўлидан ҳеч нарса келмайди-ю, мана у кандидатлигингиз пулни катта сарф қилиб, беш-ўнта кузурларимизни қўлга олай-олай деб қолди. Мана шу иш бизнинг соққамизга анча халал берадиганга ўхшайди. Фрискоф тўранинг гаплари жуда бошқа-ю, минг қилса ўрус тўраси-да, ишониб бў-30 ладими? Нима дейсизлар?

Иккови. Ҳа, ҳа, кофирнинг имони борми?

Қодирқул. Уларни қўлга олиб бўлмайдими?

Ҳасан. Нимага бўлмасин? Сизга бир оғир келишигина бор.

Қодирқул. Нимага оғир келсин? Бир гап борким, маърака мардники, етса пул, етмаса жон, дегандек, номус қолса бўлди.

Ҳаммаси. Ҳа, ҳа, албатта, шундай.

Қодирқул. Нима қилиш керак, айтинг-чи?

Ҳасан. Энди меним ақлим шуким, ўшал кандидатингиз томонига ўтганларни қўлга олиш учун бу кун кечаси ҳар қандай қилиб бўлса ҳам, мана бу Нурмат акамнинг ҳовлисига чақириб, бир оз зиёфатча билан кўнгилларини топиб, биттадан тўн билан беш-ўн сўмдан пул берсак, шояд қўлга олиб қолармиз, дейман. Нима дедингиз, Нурмат ака?

Нурмат. Жуда тўғри гап, агар бу кун биз шу ишни бажаролмасак, ютқизиб қўямиз. Негаким, ҳозир тўп учта. Учта қути қўйилгандан кейин соққада барака қоладими? Нима дейсиз, домулла?

Домулла. Албатта, албатта, лекин мавқеи келгандা, биз ҳам сўзлаб ўтайлик. Масалан, бу ойнадан ҳам равшандирким, одам қайси томонда кўп бўлса, соққа ҳам ўшал томонда кўпроқ бўлади. Шунинг учун бу кунги зиёфатларингизга бир-икки маҳалланинг имомларини, бир-икки нафар мударрислардан, иложи бўлса Миён Фано ҳазрат билан Собир эшонимизни чақириб, биттадан тозароқ жомаварлардан кийгизилса, тагин яхшироқ бўлур эди.

Икови. Албатта!

Қодирқул. Уларни буйруқдан кейинги зиёфатга чақирысан ҳам бўлади.

Домулла. Бунда бошқа фазилатли ҳикмат бор-да.

Қодирқул. Қани?

Домулла. Авомунноснинг кўзига саллаи бомужарради кўриниши билан ион ва ихтиёри қўлдан кетадир. Маълумки, бизнинг саллаларимизда бўлган сиёсат ҳаллокунинг қиличидан ҳам ўткирдир. Мана, шунинг учун ҳалиги зотларимиз хурсанд бўлиб, бир қанча шогирд ва муллаваччалари билан бирга шу томонга қўшилсалар, авомуннос билан ихтиёр оқиб кетадилар, деб зан этамиз-да. Бу холис бизнинг хайриҳоҳлигимиз. Нима дедингизлар?

Ҳаммалари. Тўғри, раҳмат, тақсир.

Домулла. Ҳа, ҳа, ахир. (Дуо қилиб, нос чекадир.)

Қодирқул. Ҳўш энди, бўлмаса домулланинг гаплари ҳам тўғри. Зиёфатнинг анжомида гап йўқ. Нега-

ким, нонни ҳар қанча бўлса ҳам уйда ёпиб берадилар. Ҳозир уч тандирда пайваст нон ёпишмоқдадир. Тўртбеш чакса гуруч билан битта бўрдоқи элтиб берамиз. Ширавор ҳам бор, энди шу, тахминан нечта тўн билан қанча пул керак? Шуни айтинг.

Ҳасан. Нурмат ака, сиз тахминга устасиз.

Нурмат. Энди вақтнинг ўзи шундай нозик келди. Оз бўлса эплаб, кўп бўлса сеплаб кўришнинг замони эмас, қопчиқни ўйнатадиган майдон бу. Менимча, ўрта қилиб айтганда, беш юз сўм пул билан йигирма бешта 10 аъло, авsat тўн етар, дейман.

Домулла. Етмаса, ораси яқин эмасми?

Ҳасан. Ҳа, нима? Бир қадам.

Қодирқул. Ишқилиб, сизлар қўлтифимда бўлгандан кейин менга нима ғам?

Ҳаммаси. Қуллуқ, додхоҳ! Сиз саломат бўлинг!

Қодирқул. Айтгандек, Мухаммадолим акам нима дейди?

Ҳасан. Бугун пешинга уч юз сўмни етказаман, де-  
ган эди. 20

Қодирқул. Ундай бўлса, тўн тайёр. Менимча, ке-  
часи олиб борган яхшироқ. Нима дедингиз?

Ҳаммаси. Албатта!

Қодирқул. Қўй билан гуручни Холмат элтиб бе-  
ради. Олим акам шулни олиб келса, тўри ўзини юбо-  
ратман. Домулла, Зокирга бир хат ёзib берсинлар. Бо-  
риб икки юз сўм ола кетинг (*туриб, қофоз олиб*), қани,  
домулла, Зокир акага бир эллик хат ёзинг.

Домулла. Бизнинг хатимиз андак бадхатроқми-  
ки? Эшони мирзо қайдалар? 30

Қодирқул. Э, майли, ёза беринг, ишқилиб, бир  
қора чизик бўлса бўлди-да!

Домулла (*уягли*). Йўғ-е, жуда ҳам бўлмағур-да,  
бўлмаса бажонидил эди-ку!

Қодирқул (*истеҳзо билан*). Икки юз сўмнинг  
ўзини ҳам ёзолмайсизми, қанақа гап бу?

Домулла (*бўйнига олиб*). Тўғрисини айтсан, ха-  
тимиз йўқ ҳисоби-да.

Қодирқул (*қофозни олиб қўйиб*). Домуллалик-

нинг бариси хатми қуръон билан таъзияга экан-да. Ҳасан ака, сиз бораверинг, мен ҳозир мирза келса, ёздириб юбораман.

Турадилар. Фотиҳа. Тўйларни тахлайдилар.

Ҳасан. Ака, бу тўйлар ҳам шу ерда турсин, кеч-қурун олиб кетармиз.

Қодирқул. Ҳўп-ҳўп.

Тўйларни қўйиб, Нурмат билан домулла чиқиб кетадилар.

### Учинчи мажлис

10 Қодирқул, Ҳасан, бир оздан кейин Мирза, Холмат.

Ҳасан. Мирза қанилар?

Қодирқул. Ҳоким тўранинг бугунги зиёфат анжомларига кетган эди. Келса, дарров юбораман.

Ҳасан. Жон ака, бизнинг ўшал ишни ҳам...

Қодирқул. Ер сизники бўлиб қолди. Илгаридан мен боплаб қўйғанман. Бу ҳовлини бўлса, бир туҳматни боплаб келасиз, ҳукм биздан, хотиржам.

Ҳасан. Индиндан кейин шу муаллим домуллани ҳам йўқотиш керак. Негаким, бора-бора болаларнинг 20 оталари олдида ҳурмат орттириб қолса, ёмон бўладир. Мана бу сайлов ўтсин, мен сизга бир-иккита йўл ўргатман. Шуни ёзиб берасиз. У ёфини ўзим тўғрилайман. Бугун кечаси ҳоким тўрага ҳам озгина учини чиқариб қўямиз.

Қодирқул. Жуда яхши бўладир.

Ҳасан. Бироқ меним ўзимга бир бало бўлмасми экан?

Қодирқул. Э, қўрқманг. Бу тўғрида Тошкент инспекторлари томонидан бизга яшриқча таълимотлар 30 бор. Бу тўғридаги хизматларингизга зўр медаллар оласиз.

Ҳасан. Эй, оғзингиздан ўргилай сизнинг.

Қодирқул. Сиз пулдан ташвиш тортманг. Мен бугун кечаси банканинг управлашийси билан гаплаш-

дим. Задгавайни топширгунча кўпчиларни ҳам бир-иккита одамларнинг вексилига қўл қўйдириб топшириб, беш-олти юз сўм оламан. Сиз ишлай беринг.

Ҳасан. Ҳа, биз хотиржаммиз-ку-я, хайр!

Қодирқул. Хўш.

Ҳасан кетади.

(Ўз-ўзига.) Хўш, энди нима қилдик?

Мирза киради.

Мирза. Ассалом алайкум!

Қодирқул. Ҳа, нима қилдингиз?

Мирза. Икки яшик вино, конъяқ, олти яшик пиво олиб келдим, ҳоким тўранинг ўз повурлари келадирган бўлди.

Қодирқул. Тўнлар нима бўлди?

Мирза. Ўн дона кимхоб, йигирма тўрт дона ҳар хил банорас, беқасам, атлас тўн олдик. Хотинлар учун уч тўп тоза барҳит ҳам олиб қўйдик.

Қодирқул. Буларни жойлаб, дарров Зокир ака-га битта расписка ёзиб, икки юз сўм олиб, Ҳасан ака-га топшириб келинг. Унгача мен банкага бориб келай. 20 Ундан кейин бу ердаги баъзи кам-кўстларни қиласиз.

Мирза чиқиб кетадир. Холмат кирадир.

Холмат. Ака! Холам ўсалроққа ўхшайдилар, ойимлар сизни чақиришиб қолдилар.

Қодирқул. Йўқол! Ўлса, ўлиб қўя қолсин. Кўзимга шу тобда она тугул пайғамбар ҳам кўринмайди. Кириб айта қол, қўлим тегса, киравман. Бўлмаса, мабодо, фалокат, ўлиб-нетиб қолса, секингина товуш қилмасдан, ошхонанинг ёнидаги қазноққа жимжит қилиб қулфлаб қўя қолсинлар. Эртага сайловдан кейин дафи 30 қиласиз. (Холмат чиқмоқчи бўлади.) Тўхта, извошли қўшдингми?

Холмат. Таёэр.

Қодирқул. Үндай бўлса, мени дарров банкага

ташлаб келасан-да, кейин қўйхонадаги ола бўрдоқини, омбордан ярим чорак гуруч олиб, секингина боғ томондан Ҳасан акангниига ўтказиб қўясан. Бор дарров!

Холмат чиқади.

(Ўз-ўзига). Ҳо, ҳо, ҳали додҳоҳ, додҳоҳ деб қўзимнинг ёғини еб, энди бугунги кунда тўртта ифлос камбағални ёнингга олиб, иш кўрмоқчимисан? Қандидатимни-ку бўламан деб ҳар қанча тортишса, ҳаққи бор. Сенга ким қўйди синоҳигарчиликни? Бир минутда мак-

10 табингнинг эшигига тамбани қўйиб, ўзингни дарбадар қила олишимни билмасми эдинг? Мени-чи, Қодирқул дейдилар. Мен ҳамманги кафангаго қиласман, деб бу амални сотиб олдим. Мен халқнинг ҳовлисини ўғридан қўриқлайман, деб буни олдимми? Йўқ! Мени-чи (*киссани кўрсатиб*), мана буни тўлғазаман, деб амалдорликни олдим. Ҳаммангнинг қонингни ичаман. Қани, сайлама-чи? Сайласанг бир бало, сайламассанг минг бало, мени биласанми?

Рустам киради.

## 20 Тўртинчи мажлис

Қодирқул, Рустам.

Рустам (*таъзим билан*). Ассалом алайкум!

Қодирқул (*кўришиб*). Нима гап?

Рустам. Сизни ҳоким тўра чақирадилар.

Қодирқул. Бир хуш хабар борми?

Рустам. Берадирганни бера берасиз. Эшик ёнбoshiдан қулоқ солиб турсам, ҳоким тўра, «Менимча, Қодирқулнинг ўзи бўлиши керак, халқ билан бизнинг нима ишимиз бор?! Қодирқул бизга синамоли киши, ўзимизга керакли одам» йўсинида сўзлаганларини эшиздим.

Қодирқул. Сени бирор қишлоқقا амин қилишга қарздор бўлдик-да.

Рустам. Меним бу югуришлардан бўлган мақсадимни ўзингиз биласиз-ку.

Қодирқул. Ҳа, ҳа, дардинг ҳали ҳам ўшал Ота нонвойнинг хотинини чиқариб олишдами?

Рустам. Ўлаёздим, ака, кошким бундай гапиришиб-нетиб юрса ҳам майли эди.

Қодирқул. Үндай ишлар бизга ўйин. Назарингни жуда ҳам паст қилма, мохов! Юр, кетамиз. (*Чиқиб кетадилар.*)

Мирза киради.

### Бешинчи мажлис

Мирза ёлғиз.

10

Мирза (*тездан бир хат ёзади, чиқмоқчи бўлиб турганда, ҳалққа қараб*). Оҳ, шўринг қурсин, фуқаролар! Биласизми, бир мингбошини сайлаш учун қандай ишлар бўлиб туради? Тўрт куннинг ичидагана шу икки юз сўм билан бир меним ўз қўлимдангина чиққан ақча икки минг уч юз етмиш бир сўм бўлди. Ҳали ҳоким билан приставларга берадирган ақча, мингбошлиқ буйругини олганда қиласиган чиқимлар бу ҳисобдан ташқариdir. Яна ўз қўли билан берганлари ҳам, бирталай бўлгандир. Уларнинг чамасидан хабарим йўқ. 20 Ойликни сўрасанг, ҳар ойига олтмиш беш сўм, агар шу меним қўлим орқали чиққан ақчанинг ўзини тўлайман деса, олган ойликларини емай-ичмай уч йилда зўрга тўлаб қутулади. Бунча чиқимга кераксинган пулни қаердан тўплашини биласизми? Албатта, сиз билан менга ўхшаган, қўл учи билан қора кун кўргувчи бечора ҳам беваларнинг уйини ёндириш, уларни хонавайрон қилиш, пора, қурма, жузъя, муҳронадеган турлигуман жабрли солиқлардан тўплайдилар. Бойлар тўртпул, мулла-эшонлар бир пул беради, дейсизми? Қайси 30 гўрда! Қайта ундей текинхўрлар ҳам қўшилиб, бевабечораларни кемирадилар. Бу зулмларнинг бутун оғирликлари шўри қуриган косиблар, саратон иссиғида күйиб-ёниб кетмон чопадиган камбағал деҳқонлар устига тушади. Ҳали инсонлик ҳуқуқ, талаблари нари турсин, тўғри сўзга оғиз очган бева-бечора фуқаронинг оғиз-

бүрни қонга бўялади. Булағнинг ҳаммасига энг биринчи ва катта сабаб халқнинг нодонлигидир. Олиқ-солик билан қаноатлансалар ҳам гўрга эди. Бунинг устига, кимнинг қизи, кимнинг хотини чиройли бўлса, унинг номусига тегадилар.

Вақти-фурсати келиб мазлум косиб ва деҳқонларимиз бундай йиртқич, қон ичувчи ёвузларнинг темир тирноқларидан озод бўларлар ҳам.

Парда тушар.

Бурунғи сайдовлар

(шуралайлоғы мөдәсібіті талған).

«Мезең жаңы күйім».



Боронғы сайдовлад.

Шіккі пәрдөлек пісемде.

(«Зерегстан», қарнада сіндік қошымаусы)



==

«Зерегстан» мәдениеттегі сайд, 1926

1926 жыл, 1926 жыл, 1926 жыл.

«Бурунғи сайдовлар» пьесасининг алоҳида нашри. Китобнинг титул вараги.

## ИККИНЧИ ПАРДА

Бу пардада қатнашадилар:

(Биринчи пардадагилардан бошقا)

Маъмур бой — авваллари Ҳасан элликбошининг балохўрларидан бўлиб, кейинги чоқлари қонхўрлик орқасида бой бўлган яқин одамларидан. Сал қора тусда, мош-гуруч ҳам тўгарак соқол. Аста сўзлайдиган бир киши, 45 ёшда.

Қосим жон — мингбошининг катта хотинидан бўлган жуда чиройли ўғил, 12 ёшда.

Қози — мингбошининг кичик хотинининг отаси бўлиб, мингбошидан ҳам муфлис, ҳаромхўр, бадкор, узун бўйли, соқоли кўпроқ оқарган, озғин этли, афти хунук, тез сўзлайдиган бир киши, 58 ёшда.

Муаллим — шу маҳаллада усули жадид мактабини ўз ташаббуси билан очгац, чўққи соқол, ўрта бўйли, кўкимтири юзли, юмшоқ сўзли, замонга мувофиқ кийиниган бир киши, 31 ёшда.

Аҳмад ака — Ҳасан элликбошининг қўшниси, бу кўпроқ жуда аста сўзлагувчи бир косиб, 70 ёшда.

Пирмат — Турсунали бойваччанинг чоракори. Ҳасан элликбоши олмоқчи бўлган ерни олиб қўювчи бир киши, гавдали, кўса, кўкимтири, чапанича ва қишлоқча сўзлайдиган бир киши, 43 ёшда.

Дуринисо — Ота нонвойнинг Рустам яхши кўриб қолган хотини. Оқ, ўрта бўйли, қора соч, қора кўз, жуда чиройли ҳам ботир ва тўғри бир хотин, 25 ёшда.

Собир бой — оддий ерли кийимда бир киши бўлиб, Қодирқул мингбошининг дарвозабон палискаларидандир, 30 ёшда.

Саҳна икки турли бўлади: 1) Саҳна бўлмаган жойда, масалан, қишлоқда ўйналса, ҳалқ ўртасида икки-уч дона намат ёки гилам билан ҳар томонга кўрпача ёзилиб, ёстиқлар қўйилади, бир томонда ёзув столи, давот, қалам ва қоғозлар қўйилади. 2) Саҳна бор жойларда жуда кўркам ва бироқ Шарқ тарзи меъморисида бир уйда шкаф, камут, мебеллар, темир каравот ҳам тоза кўрпача ва ёстиқлар бўлади. Ерга гиламлар солинган, деворда қилич ва тўп-пончалар орасида Николайнинг, бир ёқда хотинининг суратлари осилган, деворларда тоза қозиқ рўмоллари, бир дона катта девор ойнаси, бир дона девор соати ва бошқалар... Қодирқул билан 10 Маъмур бой сўзлашиб турган ҳолларида парда очилади.

## БИРИНЧИ МАЖЛИС

Қодирқул, Маъмур бой.

Қодирқул. Қани, нима дейсиз? Биздек сиёsat эгаларига гап деган бир мартаба гапирилади.

Маъмур бой. Додхоҳ, биз ҳам биламизким, худованди карим сизга берган мартабани ҳар кимга ҳам насиб қилмайди. Сиз каби сиёsat эгаси бўлиш ҳар кимнинг иши бўлмагани сингари, сизнинг тўшагингизга оёқ босиш ҳам ҳар қандай қаланғи-қасанғи қизларни **бах-** 20 **тига учрамайди ҳам учрамасин, деб умид қиласиз.**

Қодирқул (*силтаб*). Гапни калта қилинг!

Маъмур бой. Хўп! Сиз ҳам, биз ҳам биламизким, фуқаро деган қаршилик қилиб ҳеч бир жойга бора олмайди. У камбағал ҳам шундай-да. Қаршилик қилиб, «йўқ» дегани ҳам йўқ. Ёки бешик кетди бўлганда ҳам тоғасининг ўғлига хотин ҳам топилмай қолмайди. Бори-йўғи бизнинг ақлимизга келгани шудирким, ўрта орада битта-иккита сабаб бўладиган ҳодисалар бор. Йўқса, мингта ундан камбағалнинг яксон бўлгани билан сиз каби улуғларимиз марҳаматининг бошимизга бир марта соя солгани.

Қодирқул (*камситиб кулганча*). Нима ҳодисалар бўлар эди? Чап кўзинг учиб турсин денг! Арпамиз хом қолиб, аравамизни от торта олмай қолса-я, менга тик қарайдиган кўз-пўз ҳам борми ёки эрта-индин тағин янгидан сайлов бўлади, деб ўйлайсизми?

Маъмур бой. Додхоҳ, тиканнинг ҳадди борми-

ким, сизнинг пошнангизга қадалсин. Лекин офтобнинг иссиғи, қорнинг совуғи бўлгани каби ҳар нарсанинг ўзига яраша бир хосияти бор. Баъзи кишиларнинг қўлидан иш келмаганда ҳам, обрўйингизга бир хил ма-ломат кетирадиган жойларни андиша қиласиз.

Қодирқул. Нима экан, билиб бўладими ўша андишаларни?!

Маъмурбой. Бир камчилиги шудирким, ҳали қиз ўн иккидан ўн учга энди оёқ босган ёш бола, иккичиси шудирким, юзида оз-моз чирайи бўлган билан ўзининг таги паст. Сизнинг останангизга сира арзимайди. Учинчиси шудирким, бешик кетди бўлгандан буёқ ҳар йил расм-русларни қилишиб, яқин вақтларда тўйлигини ҳам бериб қўйди. Тўйни бузганда, халқ ичиди анча шов-шувга сабаб бўлади. Тўртинчиси шудирким, куёв бўлган киши қиморбоз, жоҳил, ифлос, шанғи бир бола. Албатта, у бир жанжал ёки бошқа бир гап билан сизнинг шуҳратингизга лат еткиришга икки дунёда ҳам қурби етмайди, лекин жаҳл устида ўзини унутиб юбориб, бир номардликка киришса, мардумнинг ичиди сизнинг маломатга гирифтор бўлишингизга сабаб бўлади. Қисқаси шудирким, паст билан бўлган ишнинг охири ҳам пастлик билан битади. Иўқса, ҳали сиз хотинликка сўрагансиз, эшик супуришга десангиз жон-жон деб келади. Биз жанобингизнинг хайриҳоҳингиз бўлганимиз учун сўзимни тўғрисини айтиб ўтишимиз керак. Сизга қиз топилмайдими, мингтасини топиб беришга меним ўзим тайёр, айланана қолай, додхоҳ.

Қодирқул. Меним ҳаммадан ҳам қизиққаним унинг ёшлиги, кўркамлиги, қола берса ўртадаги нафсоният. Оламан, дедимми, оламан, ҳам олишим керак. Ит бўлса, бит бўлса ҳам айтганим бўлсин. Биз мана шунинг учун бу амал деган мушкулни сотиб олиб турибмиз. Иўқса, мингбошилик қилмаганда, оч қоларми эдик?!

Маъмурбой. Йўғ-еў, албатта!

Қодирқул. Олиб бир кўрайлиқ, юракдаги ўчлар босилсин. Пастлик қилса, ана уларнинг биттаси бўлиб,

уйнинг бир бурчагида ўтиар ёки бир тепармиз, ўзини уйининг таводонида кўфар, нима? Халқнинг маломати билан меним нима ишим бор? Қораланиш бўлса, ўртада турган гап. Шу халқми, ахир? Ундан кўра, кўрган-ўйнаганим ғанимат. Биз ҳам ўшаларчалик тарнов-парновингизни ҳўллаб қолармиз.

Маъмур бой. Албатта, бўлсин деганингиз бўлади-ю, додхоҳ, гап тарновда эмас. Ундай бойвачча ҳам камбағалларнинг юз хил дастурхонидан, сизнинг итингиз олдидан қолган бармоқдек суяқ минг марта яхши. 10

Қодирқул. Биламан, янги йилга кандидатимиз мингбоши бўлиб қолсалар, «Меним қариндошимни Қодирқулга олиб бергансан», деб қамаб қўйса ҳам ажаб эмас. Амалдорларнинг ошинаси бўладими?

Маъмур бой. Додхоҳ, ҳар кимдан ҳар қанча шубҳа қилсангиз ҳам мендан сира кўнглингизга шубҳа келтирманг. Нимага десангиз, холис хайриҳоҳман.

Қодирқул. Келинг-қўйинг, aka! Холис хайриҳоҳ илгари туғилган бўлса, тупроқ остида қолиб кетди, энди туғиладиган бўлса, яна бирор минг йиллар бордир. 20

Маъмур бой. Додхоҳ,...

Қодирқул (*сўзни кесиб*). Азим кўнчини ёки кўчадаги биронта девонани нимага сайламадилар? Меним кандидатимнинг соққаларини сайлов қутимга юмалатган Ҳасан aka билан Маъмурбой акамнинг панжалари эмас, балки чўнтағимдан ўрмалаб чиқиб турган ўн туёқли ўргимчаклар эди. Мени кўп содда, деб ўйламанг. Келинг, майда-чўйда гапни қўйинг. Туринг, боғинг! Шу бугун қатъий жавобини олинг! Шу ҳафта қизини беришни билсин ёки турмага кириб ўтиришнинг 30 ҳаракатини қилсин. У тарафини кўриш — меним ўз ишим.

Маъмур бой (*туриб*). Хўп, хўп, додхоҳ! Сизнинг розилигингиз шундай бўлса, истар хурсанд, истар хафа қилиб бўлса ҳам қўлимиздан келгунча кўндирамиз. У тарафида, ахир, ўзингиз бор-ку!

Қодирқул. Қани, қурбани кўрай, питирлаб кўрсин! Кимнинг жони бўлса, майдонга чиқсин. Боринг!

Маъмур бой. Хўп.  
Чиқиб кетади.

## Иккинчи мажлис

Қодирқул, Қосимжон.

Қодирқул. Падарингга лаънат! Сенинг қўлингдан келди-ю, меним ўрнимга мингбоши бўлиб, мендан ҳам хунукроқ ишлар қилмай қўйдингми? Халқ ихлос боғлаган битта соҳиб кароматинг Насруллохон эшонингми ёки Фозил уламонг, қайнотанг қози-домуллангми? Тўнгузнинг гўштини қўйсанг, макруҳ бўлади, деб ўзи пуфламай ейди. Уларга қараганда, мен чилтман-а, чилтан. (Ўйлаб.) Энди ҳар нарсадан илгари шу муаллимни йўқотиш керак. Менга қаршилик қилмаганда-ку... (бошини қимирилатиб), йўқ, янаги йилга бундан ҳам кўра серғамзароқ ҳунари чиқади. Уни йўқотиш керак. Ўғлимни жуда бўлмаса, «туземний школ»га бераман, қўяман-да, (узун ўйлаб) энди бу ёфини-ку, сискной отделга ёзибми, бир бало қиласман, халқقا ҳам бирор хунукроқ нарсани шуваб кўрсатиш керак, негаким, ҳа!..

Қосимжон киради.

20 Қосимжон. Дада! Уйда сизни битта кампир ча-киради.

Қодирқул. Ҳа, Ҳури холами?

Қосимжон. Билмасам, бетига қараганим йўқ.

Қодирқул. Ҳай, айтгандек, сен кеча домулла нима қилди деб мактабдан йиғлаб келдинг?

Қосимжон. Домуллам урди, деб келган эдим. Ундей қаттиқ ҳам урган эмаслар.

Қодирқул. Ўпди, деб келмадингми?

30 Қосимжон (уялиброқ). Қачон? Ундей деганим йўқ. Урди, дедим-ку!

Қодирқул. Эй, мен ҳали ҳаммага шундай деб қўйдим-ку! Домуллангни бу ердан кетсин, деб буйруқ ҳам бердим. Мени ёлғончи қилиб қўйдинг-ку, ўғлим, энди нима қиласмиш?

Қосимжон. Мен ёлғончи қилдимми? Ўзингиз меним гапимни эшитмаган экансиз.

Қодирқул. Энди бўлмайди, ўғлим! Менга жуда ёмон айб бўлиб, мингбошиликдан ҳам чиқиб қоламан. Ёлғон гапирдинг, деб мени қамаб қўйсалар, нима қиласан?

Қосимжон. Нима қиламиз бўлмаса, дада! (*Қодирқулнинг пинжига суқилади.*)

Қодирқул. Энди, майли, кета берсин домулланг, мен бошқа домулла олдириб келаман. Мен ҳали до-  
муллангни чақириб уришиб, «Нимага сиз меним ўғлимни ўпдингиз?» дейман. Сендан сўраганимда, «Ўпдилар», дегил, тузукми? Бўлмаса, ёмон бўлади.

Қосимжон. Мен қандай айтаман, уялмайманми, дада?

Қодирқул. Айта берасан, лаънати! Бўлмаса, ҳаммани шарманда қилиб қўясан. Ундан кейин сенга дада ҳам йўқ. Бўлмаса, худди Собирга урдириб, ҳамма ёрдирраман. Ўрта ерда тойчадан ҳам қоласан. Тузукми?  
20

Қосимжон (*ийғламсираб*). Ахир...

Қодирқул (*қаттиқ*). Қани, айтма-чи...

Қосимжон (*қўрқиб*). Айтаман.

Қодирқул (*туриб*). Юр, бўлмаса, сенга жуда бошқача домулла келтириб бераман, ҳам эртага Холмат билан бирга бориб, тойчани олиб кел.

Чиқадилар. Холмат киради.

### Учинчи мажлис

Холмат, бир оздан кейин Қосимжон.

Холмат (*шишириб туриб*). Бу хўжайнда бўлса, 30 кеча-кундуз келаси йилдаги сайловнинг ғами. Менда-чи ичкаридаги иккита эски мижоздан айрилиб, яқинда келадиган пошшохонни ўзимга қандай қилиб элакти-ришнинг ғами. Нимага десангиз, хўжайнинг ўшлари бир жойга бориброқ қарамай қўйганга, бир ёқдан, ўзи-

мизнинг ҳам биронта дилкушони олишга кучимиз ет-  
маганигами, билмайман, бир оз гирд-гашт қилиб келар  
эдик. Мана энди, шуҳратингдан ўргилай, мўъжазгина,  
у тиззадан бу тиззага учиб-қўнадиган янги пошишохон-  
нинг келишларини эшитиб қолгандан буёқ мингбоши  
поччадан ҳам илгари бизнинг юрагимиз диринг-диринг  
ўйнайди. Билмайманким, у жонимни олгур, бизнинг бу  
кир чопон билан ёғлиқ дўппини назарга иларми экан?  
Мана бизда бу янги ишқ мижозининг ғами, бир ёқда,  
10 ичкаридаги иккита рўядо қоровулдан ўлмасдан қу-  
тулишнинг ғами. Бунинг устига қоматингнинг қурбони  
бўлиб кетай, Қосимжоннинг ҳажр ва фироқи, буниси  
кундан-кун юрагимда чигирткадек тухумлайди. Бундай  
ўйлаб қарасам, бошимдан-оёғимга, кипригимдан-тир-  
ноғимгача ишқ-муҳаббат деган жонивор ўликнинг ка-  
фанидай ўраб олган. Қаёққа қарасам, ҳур билан ғул-  
мон қучаман-а! Тасаддуғинг кетай. Энди ичкаридаги  
20 ойимлардан сўрасангиз, бир ёқдан, кундошликтининг ға-  
ми бўлса, бир ёқдан, меним ҳам ўшал томонга оз-моз  
ёки бутунлай қийшайиб кетишимишнинг ғами. Ишқилиб,  
ичимизда бегам киши йўқ-да. Охири баҳайр бўлсин.

Қосимжон киради.

Қосимжон. Холмат ака!  
Холмат. Лаббай!

Қосимжон. Кичик бобом: «Тезроқ аравани қўш-  
син, мен Шайидхонага бораман», дейди.

Холмат. Хўп, (ҳалққа) иккала бобонгизни ҳам  
борса-келмасга бадарға қилиб олиб борсак тузук эди.  
(Қосимжонга.) Опангиз ҳам борадиларми? (Ҳалққа.)  
30 Уф, бу ҳам бор-а. Қани, давлатинг бўлса-ю, опасининг  
тўйинга-тўй тўкиб, хипча белларини уч кунлик ойдек  
камалак-камалак қилиб эгиб юрсанг. Вой-ей, қовурға-  
ларим қайишади.

Қосимжон. Холмат ака, менга чўзма қани?  
Холмат. Аввал бизга ўпич қани?

Қосимжон. Ҳадеб ўпа берар экансиз-да. Аввал  
чўзмани беринг.

Холмат. Аввал сиз чўзманинг ўпичини беринг-чи!  
Қосим жон. Чўзманинг ўпичи қандай тағин?

Холмат. Чўзманинг ўпичи ҳам ўзига ўхшаган чўзиқроқ бўлади!

Қосим жон. Ўпичнинг ҳам чўзилатурғони бўладими? (Кулиб.) Фалати гапларни топасиз.

Холмат (қўйнидан чўзмани олиб, юқори кўтариб). Ман сизга чўзманинг ўпичини кўрсатай. Мана, сиз икки қўлингизни узатиб, чўзилиб олинг!

Қосим жон (икки қўлини тобар чўзиб). Беринг 10 энди, Холмат ака, бўйим етмайдур.

Холмат (чўзмани тезлик билан берадур, икки қўлини унинг қўлтиқлари остидан ўткариб оладур ва қуучоқлаб, ўпиб туруб). Мана шуни чўзманинг ўпичи, дейдилар, ука.

Қосим жон (аччиғланиб, кулиб). Бўлди энди. (Тортиниб.) Бўлди, дейман. Ҳали замон шовқин соламан. Бўлди, дейман, Холмат ака.

Холмат (қўйиб юборадур). Мана, бўлди бўлмаса.

Қосим жон. Фалатисиз-а!

20

Чиқиб кетар.

### Тўртинчи мажлис

Холмат, Қодирқул.

Қодирқул. Холмат!

Холмат. Лаббай, хўжайин!

Қодирқул. Қани, қанақа эди, ҳа, қани, бир мақтаб қўй-чи! (Ўтириб.) Ҳа, оби равон, ҳа, қани!

Холмат (уялиб). Қўйинг, хўжайин!

Қодирқул. Бўл, санқиллама! Ҳа, қани.

Холмат. Оби равон, боби жанон, шоҳ супага зеби 30 жаҳон, мурча миён, писта даҳон, нозик адо, пари жайҳон, яъни исми шарифлари Маликахон. Ким эканлар, десам, Шокир аллопнинг хотинлари-ю, Муса қаллобнинг қизлари экан. Дўндиқча-ю мўндиқча, хизмат қилий ўлгунча, десам, қўл узатманг тиллага тўлдирмасдан сандиқча, дейдилар-а! Ака, Шокир аллопнинг ҳам

бахти заб баланд келганми, олмага тушган ҳашаротдек хотинга хўп ярашсалар керак, Зулфиддин маҳдум!

Мингбоши кулар.

Жуда мақтай бериб ўлдик-ку, Ҳури хола бирор хушхабар келтиргандир.

Қодирқул (кулиб). Ҳа, тайёрлаб келдим, деди. Бугун-эрта эри бир жойга кетса, базмини кўрар эканимиз. Тур, бир чилим сол!

Холмат. Илоҳим, саломат бўлсинлар-да. (Чиқади.)

Қодирқул. Муаллимнинг бўлса, ҳисобини топдик. Энди шу Шокир аллопнинг хотинининг ҳам бир базмини кўргандан кейин, Тўйчи бойваччанинг ҳам хотинини бир кўриш керак.

Холмат чилим келтиради.

(Чилим чекиб), дарров элликбоши билан муаллимни айтиб кел, дарров келсинлар.

Холмат. Хўп. (Чиқади.)

20 Қози домулла билан имом домулла кирадилар. Салом, кўришиш ва фотиҳа.

### Бешинчи маъжлис

Қодирқул, қози, имом.

И мом. Мирзаларини қамалган, деб эшитдик. Бирор беодобликлари содир бўлгандир. Ўзлари жуда яхши йигит эдилар.

30 Қодирқул. Ҳа! Унинг ўзининг газета ўқиши бошига етти... Ўзингиз биласиз-ку, ҳоким тўра ҳаммавақт: «Газета ўқийдиганлар ҳукуматга қарши кишилар», деяр эдилар. Тўғри чиқди. Ҳали унга аралашади, ҳали бунга. Ҳатто менга ҳам насиҳатгўй бўлиб қолаёзди. Суриштириб қарасам, кечаги сайловда пилтинг-пилтинг қилиб юрганларнинг энг бошлиғи шу билан муаллим экан.

И м о м. Ҳа, балли! Мен айта олмай, истиҳзо қилиб юрар эдим. Йиккала падар лаънатиларда ҳам бир вақт намоз йўқ, тонг отгунча ивири-шибирир қилиб чиқар эди. Ҳай, ҳай, заб яхши қилибсиз, аз бало ҳазарди-я.

Қодир құл. Муаллимни ҳам ҳозир бартараф қыламиз, деб турибмиз.

И м о м . Э , йүқолсиян бу кофурлар-е, хайриятким, ба-  
лонинг олдини олган экансиз!

Қодирқул (қозига). Турсунали бойваччанинг чоракори Пирмат билан Ҳасан аканинг иши нима бўлди?

Қози. Үнинг битишига сал қолди. Бекорга бердим, деганини иқрор қилдириб, ўн саккиз кунга ҳукм қилган эдим, ерни бутуи беришга рози бўлишиди. Кеча срнинг васиқасини олиб келганилар. Биз тўйга кетгав эдик. Эҳтимол, бугун келиб қолар. Ҳасан ака пулни бераверса, аълам чиқиб ўлчаб, васиқасини қилиб бераверади. Пирматнинг оғзидан бир-икки ёмон гап чиққан эди. Бир ойга ҳукм қилиб қўйдим. Эҳтимол, элликбонининг иқболига арzonроққа бериб қолса.

И м о м. Ҳа-е! Ҳар нима бўлса ҳам шуларга ёрдам 20  
қилиш керак. Негаким, шулар одамга ҳамма вақт керак  
бўлади. У молфаҳм қишлоғи нимага ярар эди?!

Кози. Мана мен домуллани қўшиб сизга олиб келдим. Собир калланинг иши нима бўлди? Йиғлай бериб жуда бизни безор қилди-ку!

И м о м . Шундай, бир ёрдам қилинг, додхоҳ! (*Құлқовуштириб.*) Ёрдамнан аямасаңғыз экан, энді иккөнімиз ҳам үртага тушиб қолдик.

Кодир қул. Одам ўлдирғанлыгини иқор қилиб 30  
түйгөн. Иқор қымасин, деган әдим. Судга учраган  
әтим: «Тұрт-бешта етим боласи, тул хотини қолибдір.  
Кемің үн йилга кесилади, бироқ шу ўлукнинг томони-  
нан закунчига, құрбоши, пристав, ҳокимларға тузук-  
шы пул берилса, шуни бир ойга қолмай чиқарса бўла-  
ти», деди.

Кози. Пича пул олиб келиб, ташлаб кетди. Энди  
такмийан қанча кетар экан?

Кодирқұл. «Бу ишни бир ярим минг сүмсіз битириб бұлмайды», деб айтди.

Қози. Э ҳали у: «Беш минг сўмгача бераман», деб айтди. Ҳозирча минг сўм ташлаб кетди.

Қодирқул. Үндай бўлса, ўша пулни бериб юборинг, мен бир учрашай.

Муаллим, Ҳасан ака кирадилар.  
Саломдан кейин турадилар.

Мен айтай, бир луқма ош қиласин.

Қози. Йўқ, биз ҳозир бориб турайлик, сиз ҳам бо-  
тарсиз.

- 10 Қодирқул. Мен бориб келдим.  
Қози. Хайр, бўлмасам.

Қози билан имом хайрлашиб кетадилар.

### Олтинчи мажлис

Қодирқул, муаллим, Ҳасан ака, бир оздан кейин Холмат, Қосимжон.

Қодирқул (*ўтириб*). Мен сени туппа-тузук одам,  
деб юрсам, шундай расвомисан? Ҳалқ болаларининг  
саводини чиқарди, десак, сен бошқача қилиб, бачча-  
бозлик қилиб саводини чиқарар экансан-ку!

- 20 Муаллим (*ҳайрат билан*). Қандай, додхоҳ?!  
Қодирқул. Тағин қандай бўлар эди! Ўзингнинг  
қилган ишингни ўзинг биларсан. Лаънати! Ифлос!

Муаллим. Тақсир, мен нима қилдим?  
Қодирқул. Санинг баччабозлик қилишинг учун  
бошқа бола қуриб қолдимикин, меним боламга ёпиш-  
динг?

Муаллим (*ёқасини ушлаб*). Субҳон обло!  
Ҳасан. А? Ростми, додхоҳ! А, минг лаънат сизга,  
домулла-е! Уялмадингизми?

- 30 Қодирқул. Холмат, Холмат!  
Холмат. Лаббай. (*Киради*) Лаббай, хўжайин!  
Қодирқул. Қосимни чақир.

Холмат чиқади. Қосим жон киради.

Эй, одам бўлмай ўл! Қосим! Сени шу домулланг ўпдими? Сенга айтаман!

Жимжит.

Сенга айтаман!

Қосим жон. Ҳа. (Чиқиб кетади.)

Қодирқул. Тур, йўқол, ҳозир кўчиб кет! Мен устозлигингни ҳурмат қилдим. Бўлмаса...

Муаллим. Мендан гап-мап...

Қодирқул. Кет, дейман, падар лаънат! Ҳозир 10 турмага юбораман.

Муаллим чиқади.

(Ҳасанға). Боринг! Буни ҳозир йўқотиб келинг! Аҳмад ака нима қилди?

Ҳасан. Ҳеч ...боёғи шанқилиғида турибдир.

Қодирқул. Қани ўзи, ҳозир итлигим тутиб туриди.

Ҳасан. Қелган, мана шу ерда.

Қодирқул. Чақиринг, кирсин.

Ҳасан чиқади.

20

Мана шу гапиртирганинг ўзида катта сиёsat бор.

Аҳмад ака киради.

### Еттинчи мажлис

Қодирқул, Аҳмад ака, бир оздан кейин Холмат, Собир, Пирмат, Рустам, Дуринисо.

Аҳмад. Ассалом алайкум, доддоҳ, (ийғлаб) қиёматда қўшнидан деганлар. Биз бечораларга раҳм-шафкат қилинг. Ўзингиз биласизким, менга етти-саккиз жон карайди. Ҳеч биттаси дардимга дармон бўлолмайди. Белим букрайиб кўзларим хиралашган. Ҳар ҳафтада 30

101

зўрға икки жуфт кавушни тикиб, рўзгоримга нафақа қиласман. Шу мўйсафидлигим, қўшнилигимни ҳурмат қиласангиз, нима бўлади? Ахир, ўзи катакдек бўлган ҳовлининг ярмини бергандан кейин етти-саккиз жон бир уйда қандай қилиб сифишамиз, жон болам?

Қодирқул. Гапни чўзма, мунофиқ! Берасанми, йўқми? Шуни айт! Мени биласанми?

10 Аҳмад (ҳамон йиғлаб). Жон болам, сизни билгандан йиғлайман. Кичикликда ўз қўлимда катта бўлдингиз.

Қодирқул. Гапни калта қил, дедим. Берасанми, турмага кетасанми?

Аҳмад (қаттиқ йиғлаб). Хайр, болам, қариган чоғимда кўргиликни солган бўлса, худойимга ёшлигимда қилган бир ёмон шумлигим бордири-да. Нима қилай? Ҳар нарса бўлсанам бўласман. Бироқ тўрт-бешта жўжаларимнинг ҳақига жабр қилиб, уларни кўчаларда сарсон қилмайман. (*Йиглайди*.)

Қодирқул. Холмат, ҳо, Холмат!

20 Холмат. Лаббай. (*Киради*.)

Қодирқул. Собир борми? Ҷақир, мана бу бетав-фиқни миршабхонага бериб келсин. Ҳали бери бунинг кўзи очилмайди.

Холмат чиқади. Собир киради.

Падарингга лаънат! Олиб бор буни, миршабхонага топшириб кел! Ҳукуматни биласан!

Аҳмад. Болам, ҳо, болам! Гўдакларимни қақштма.

30 Қодирқул. Олиб бөр, дедим. Гўдагингнинг ҳам падарига лаънат.

Собир. Юринг, ота!

Туртиб олиб чиқади, Холмат киради.

Холмат. Пирмат келди, «Қирайми?» дейди.

Қодирқул. Ҳаммаси ҳам вақтида келмакда. Ҷақир, кирсин!

Холмат кетади. Пирмат киради.

Буни ҳам юбориш керак.

Пирмат. Ассалом алайкум, ота! (*Кўришишмоқчи бўлади.*)

Қодирқул. Ўтириша ерда!

Пирмат ўтиради.

Ҳа, нима деб келдинг?

Пирмат (*қоғоз бериб*). Афзимиз бор эди.

Қодирқул. Обор, менга арза керак эмас, ерни берсанг қутуласан, бўлмаса қози бир ой ҳукм қилган 10 бўлса, мен ўн ой ҳукм қиласман.

Пирмат. Тақсир!

Қодирқул. Тур, кет, дедим. Ҳозир бўлганингча бўласан.

Пирмат. Хайр, ака!

Қодирқул. Чиқ, дедим, падар лаънати ит! Эртадан қолдирмай васиқасини қилиб бер, бўлмаса, умрингни турмада ўтказаман.

Пирмат чиқиб кетади. Холмат билан Рустам кириб кела-

20

Рустам. Ака! Хотинни олиб келдик. Қирсинми?

Қодирқул. Ёмон боплабсан-да! Ҳайрон қолдим-а!

Рустам. Эй, ака! Унинг уйига учта ўқни кўмдиргунча жигарларим эзилиб кетди. Сиз ол дегандан кейин осмондан бургутни ҳам оламиз. Ишқилиб, шунча меҳнатимга яраша, узоқроққа кетарми экан?

Қодирқул. У топилган ўқ, уни яна қайтиб шаҳарни кўра олмайдиган жойга юборади. Сен бор, ана у чолни қамаб, ўша ерда бўйнига қўй. Буни мен ўзим тўғрилайман. Кира берсин.

30

Рустам чиқади. Дуринисо кириб салом беради.

Дастлаб бир ўзимиз тузини татиб кўрайлик. Жуда куйдим, ёндим. Ўтириша, Ҳа, нима гап?

Дуринисо. Айланай, тақсир! Отам ўрнига отам бўлинг, меним кишимнинг сира бундай ёмонликлари

103

йўқ эди. Уни ана у битта палискангиз шундай қилди, нима бўлади, бир раҳм-шафқат қилиб, буни қутқазиб юборсангиз.

Қодирқул. Сиз у гапларни гапирманг! Биласизми, сизни ҳам пристўплар протокол қилиб кетган. Эрта-индин эрингиз Сибирга кетади. Сизни ҳам олиб, қамаб юборадилар. Лекин менинг сизнингина қутқазиб олиб қолишга кучим етади. Бироқ, унинг ҳам шартини бор.

10 Дуринисо. Вой, қандай қиламан, худо-ей. (*Иғлайди.*)

Қодирқул. Хўп, десангиз, мана мен бел боғлайман.

Дуринисо. Умид билан бир ёстиққа бош қўйган эдим. Энди мен уни шундай қора кунларда юбортариб, ўзим ҳаргиз бунда қолмасман.

20 Қодирқул. Сиз девона бўлманг. Эрингиз билан бирга қўймайдилар. Уни бошқа, сизни бошқа томонга юборадилар. Сиз бутун эркаклар, ёмон солдатлар ичидан кўп оёқ ости бўласиз. Ўзингиз ўйланг.

Дуринисо. Вой, ундан бўлса, мен нима қилай?

Қодирқул. Мен сизга бир гап ўргатаман. Сиз мана шу гапни айтсангиз, қутуласиз-қоласиз. Лекин ҳалиги мен айтган шартни қабул қилганингизда.

Дуринисо. Вой, айланай, тақсир! Ё бирга кетаман ёким ўзимни ўлдираман. Худои расулнинг ҳурмати, гапим шу.

30 Қодирқул (*тескари қараб*). Бунга ҳозир гап маъқул қилиб бўлмайди. Яхшиси эри кўзидан йўқолса, ундан кейин кўндириш осон бўлади. Ҳури холанинг ўзи боплайди. Лекин қуруқ бўлмасин, бир кўриб қолиш керак. (*Ўрнидан туриб, Дуринисога яқинлашади.*) Бўлмаса, мен бир гап ўргатай, бир айтиб кўрасиз. Эрингизни шу гап билан олиб қола билсангиз, хўп, бўлмаса, ўзингизни қутулишингиз ҳам фанимат. Сал қулоғингизни берироқ олиб келинг, бирор эшитса, яна биз айбдор бўлиб қолмайлик.

Дуринисо. Вой, айланай, болангизни тўйинни кўринг. (*Яқинроқ келади.*)

Қодирқул. Айтасизким... (Бирдан чимматни очиб.) Оҳ! (Ўлмоқчи бўлади.)

Дуринисо (тезлика). Вой, ўлим бергурлар, (шапалоқ билан солади, Қодирқулнинг оғзи қонайди) ҳамманг бир экансан, (аччиғидан чимматни унугтади) золим, шафқатсизлар! Ҳали, бева-бечора фуқарога бошмиз деб қилган ишларингиз шуми?

Қодирқул (бир қўли билан рўмолча ушлаган ҳолда оғзини артиб, иккинчи томондан ялиниб.) Секин-секин, мен сан тўғри хотинми, эгрими, деб синағаним 10 эди.

Дуринисо. Номаъқул қиласан. Минг лаънат сен-дек золимга! (Халққа.) Шўрларимиз қурсин биз хотинларнинг, қачонгача шундай эркаклар қўлида тўптош бўлиб юрамиз. Эй худо, кўтарсанг-чи шу золимларни бизнинг бошимиздан. (Кўзи тиниб ииқилади.)

Парда тушади.